





5320
544.2
:2

104
824
:14



商册命鼎








中亞形
 召夫室
 癸午刊。

右高七寸耳高一寸五分闊一寸三分深三寸二分口徑長五寸一分闊三寸八分腹徑長五寸二分闊四寸九分容二升三合重四斤一兩四足銘一十一字昔周穆王命畢公而曰作冊畢則冊命者為冊書以命之也亞形內召夫二字而繼之以室則為廟器也抑又明矣


商父己鼎




右高五寸七分耳高一寸一分闊一寸三分
深三寸口徑五寸腹徑五寸二分容二升二
合重二斤一兩三足銘三字一字作禾形二
字曰父已後世傳習之謬而以罕彝畫禾稼
其上雖一時俗學之陋固亦有自來矣父已
商已也今所收父已彝而一字持戟形大抵
商器類取諸物以為形似蓋書法未備而篆
籀未分也是器耳足純素三面為饗饗而間




之雷紋文鏤與父己彝近似之其一代物也



商持刀父己鼎



右高五寸一分耳高一寸二分闊一寸四分
 深三寸三分口徑五寸腹徑五寸五分容二
 升五合重二斤六兩三錢銘三字按三代之
 間惟商為尊神凡於祭祀必致其盡故於鼎
 間作子象以持刀非特鼎也尊之與自悉著
 此焉蓋供子職者不如是不足以見其竭力
 從事之意是以先王之事親於羞濟則執鸞
 刀入舞則執干戚至於藉田則秉耒焉必躬




子
父

子
形持刀父已



必親每每如此又况尊神之世乎迨其商世
曰父已者雍已也凡鼎彝用享其父則必識
以其子繼雍已者乃其弟太戊則所謂子果
誰耶豈非繼其後者乃為之子耶

商父癸鼎一



高五寸五分耳高一寸三分闊一寸五分深
 三寸四分口徑四寸四分腹徑四寸八分容
 一升九合重二斤三兩三足銘四字


商父癸鼎二



兕形
 孫執父
 癸

高五寸九分耳高一寸四分闊一寸五分深
三寸四分口徑四寸八分腹徑五寸六分容
二升三合重五斤十有二兩銘三字

右二器皆曰父癸第一器曰孫旁作兕形昔
人嘗取兕角以為觥曰兕觥郭璞有山海圖
贊曰皮充武備角助文德古人取於兕者如
此又皆作持弓狀蓋九射之禮必寓之以射
而弧矢者男子之事鼎之設飾豈無意乎第





父癸


父癸
戈
貝

二器作立戈狀蓋商有所謂父癸尊者作立
戈有所謂父癸鼎者作橫戈有所謂父癸卣
者作執戈器之畫戈為所取小之義此類銘
戈形出一時之制也


商萬鼎






右高九寸六分耳高二寸闊一寸六分深六寸三分口徑八寸六分腹徑八寸七分容一斗四升一合重十有四斤二兩三錢銘一字作薑形考其薑字取其形象至後世小篆亦作薑而注謂象形則為古薑字無疑蓋姬周而上銘識簡古如魚敦饗饗鼎皆商器也悉取物以為篆今薑亦如之薑雖微物而善毒人亦君子之所思患而豫防之故其銘

之鼎宜焉又薑疑為人名若周恭王十三年
 鄭獻公薑立又如公孫薑之類則鼎之識殆
 亦商人之名也



商秉仲鼎






○ 秉 仲 ○

右高六寸一分耳高一寸闊一寸二分深三寸
 六分口徑五寸三分腹徑五寸六分容二升六
 合重四斤有半三之銘四字按王安石字說秉
 作秉从又从禾此上一字作禾以象禾又以為
 又乃秉字也秉仲者索諸書傳訖無可考以其
 器之精鍊渾厚知為商物耳

商素腹寶鼎







○作尊
寶彝

右高五寸三分耳高一寸闊一寸二分深三寸三分口徑四寸九分腹徑五寸三分容二升有半重三斤九兩三足銘五字上一字未詳四字曰作尊寶彝此制度乃鼎而謂之彝蓋商器類以彝銘之蓋彝以言其法非六彝之謂彝是器耳為絢狀腹足無紋渾厚純質斷商鼎也

商若癸鼎



右高五寸八分耳高一寸一分闊一寸三分
 深三寸二分口徑四寸九分腹徑五寸二分
 容二升二合重三斤二兩三錢銘八字於亞
 形中上作一若字銘其作器之人也旁作旗
 旆之勢于左旌其位也又作兩手互執物狀
 于右以著薦獻之象而且昭其獲助也四隅
 作癸丁甲乙雜然陳布紀其日也中作父字
 明子職也蓋九旗名物皆从於於太常則至




博古圖錄


廿二

尊有之至於諸侯則建旂軍吏則建旗孤卿則建旛中大夫則建旗下大夫則建旒道車則建旒旂車則建旌而士預焉故旗旆所以旌其位者如此古之制字於與作与以兩手交相舉明非一力也經曰四海之內各以其職來祭夫聖人之德又何以加於孝乎詩云駿奔走在廟不顯不承無射於人斯則得多助者所以為孝也故兩手互執物所以著薦獻之象而昭其獲助者如此天有十日地有十二辰各以其類而為配合在商言其略故凡彝器止言其日若商斝言己丁與此鼎言癸丁甲乙者止以十日也在周言其詳故凡彝器復兼言其辰若周尊言丁丑周彝言己酉者又兼其辰也昔者內事用柔日所以順其陰之入外事用剛日所以順其陽之出婚姻內祭皆內事故用柔日師田外祭皆外

事故用剏日然則是器言甲者剏日也言癸
 丁乙者柔日也此所謂紀其日歟今所藏器
 有言祖有言父有言兄下以享於上也有言
 子有言孫子孫之所自致也此又所謂言父
 者所以明子職歟然其形制比商器復加文
 縟三足皆作饗饗氣韻頗古真商盛時器也

商象形饗饗鼎







饗饗獸形

右高五寸七分耳高一寸七分闊一寸五分
深三寸四分口徑五寸五分腹徑五寸四分
容二升三合重三斤九兩三錢銘一字按此
鼎款識純古髣髴饗饗之形後人觀象立名
故取為號至周監二代文物大備凡為鼎者
悉以此為飾遂使呂氏春秋獨謂周鼎著饗
饗而不知其原寔啓於古也按春秋宣公三
年王孫滿對楚子問鼎之語曰昔夏之方有

德也遠方圖物貢金九牧鑄鼎象物故民入
 川澤山林不逢不若魑魅魍魎莫能逢之則
 商之為法亦基於夏而已周實繼商故亦有
 之耳昔人即器以寓意即意以見禮即禮以
 示戒者如此


商魚鼎






右高五寸五分耳高一寸闊一寸四分深三寸三分口徑五寸二分腹徑五寸容二升三合重三斤一十兩銘三字月魚基且古者祭祀之名不一祭天於圜丘祭地於方澤祭日於王宮祭月於夜明祭星於幽榮各以其類求之則於薦獻之物豈非亦以其時耶故周有月星尊日星鬯者是各以其類而為之器是鼎銘以月繼之以魚者豈祭祀之器既以

其類又求其類於物爾如詩所謂季冬薦魚
 春獻鮓者以其時為薦獻也基者無所經見
 惟說文以為薦物之丌蓋象形也




商伯申鼎



伯申作
 寶彝


右高五寸四分耳高一寸闊一寸三分深三寸二分口徑五寸腹徑五寸七分容三升重三斤二兩三錢銘五字曰伯申者於傳無見蓋不可得而考矣然是器有可得而論者凡鼎彝之屬莫不有文或飾以雷篆雲紋或錯以夔龍蟠螭之類而此獨通體純素製作朴古意商尚質其商人之為乎

商立戈鼎







子立戈形




高五寸五分耳高一寸二分闊一寸深三寸
七分口徑四寸八分腹徑五寸容二升四合
重二斤十有四兩三足銘一字

商立戈父甲鼎






子立戈形
甲父




高六寸六分耳高一寸四分闊一寸二分深
三寸口徑四寸九分腹徑五寸七分容二升
四合重四斤七兩三錢銘三字

商橫戈父癸鼎




關銘錄




禹後之戈氏也蓋商人作器多著此象故於
爵有立戈爵於鬯有立戈鬯於尊則有立戈
癸尊於卣則有執戈父癸卣然則飾以戈者
皆商物也王安石字說謂戈戟者刺之兵至
於用戈為取小矣其取為小故當節飲食其
用在刺故必戒有害雖然戈所以敵物而勝
之故我之字从戈者敵物之我也非有勝物
之智則不能敵物非有立我之智則至於失

我古人託意茲亦深矣雖然議者謂春秋間
徐子會齊侯其所賂之鼎有曰甲父者遂指
父甲以為甲父是大不然夫杜氏以甲父為
古國名故高平昌邑之東南有亭亦曰甲父
亭若乃父甲則商子孫追享其父者故加父
於上以顯尊神之意儻以為甲父則是以國
名變商號矣遷就傅會之說不可不察也

商其綦鼎







其篆父乙

右高六寸六分耳高一寸三分闊一寸四分
深四寸四分口徑五寸九分腹徑六寸七分
容四升七合重四斤六兩三錢銘三字純外
隱起雲雷狀按父乙商也而周有召公尊其
銘亦曰父乙此豈周器乎曰不然召公尊者
周王用以褒大召公之子孫而乙者其名也
父者所以尊稱之也如康王命畢公而曰父
師平王命文侯而曰父義和蓋示有所尊耳

豈此所謂父乙者哉况周人作銘文字已備
此鼎近質而字畫奇古非商器而何曰綦者
按列禦寇嘗言綦衛之箭而音釋者以綦為
其且援史記綦國之竹為證則綦國名也庶
考商書雖不聞有國之為綦者然歸亳之際
諸侯所會者至於三千安知其無綦耶大抵
為史者非因事以見之則亦不能備載矣

商象形鼎





右高六寸九分耳高一寸六分闊一寸五分
深四寸一分口徑五寸八分腹徑六寸四分
容四升重三斤六兩三錢銘一字製作精純
與商辛鼎無異凡鼎之銘有曰尊鼎有曰尊
彝而此獨以非為誌者考諸鼎字於雍公緘
鼎作昇於大夫始鼎作昇於得鼎作貝字畫
變易無常而漢鼎又作鼎其下體頗與此近
深意其為鼎字且鼎字上从二一而口之下

博古圖錄 卷一
从析木一陰一陽之謂道鼎者器也而道寓
焉一則成象一則效法故从二一以木巽火
烹飪也故从析木此鼎其文雖異而下皆左
右戾有析木之意深得古書之體著此銘者
古人所以正名也以易考之革去故鼎取新
又見其新新不窮之義

商公非鼎



非

右高五寸八分耳高一寸五分闊一寸三分
深二寸口徑五寸腹徑五寸六分容二升二
合重二斤十有五兩三足銘一字曰𠄎非者
蓋作器人之名氏也其形制則類立戈父甲
鼎實惟商器按史記有非子為周孝王主馬
者其去商遠甚為不侔惟公劉五世孫公非
者考其時正與祖甲相近則當為公非矣
亦政堂重修宣和博古圖錄卷第一

